

جریدہ عالمیہ

مہینہ جلیلہ، اسلامیہ نمک، جریدہ، رسمہ پیدر

ذی الحجہ ۱۳۳۵

عدو: ۳۳

آیدہ بر نشر اولنور

اوپچی سنہ

قوانین و نظامات

دارالخلافه العلیه مدرسه سیله طشره مدارس حقه نظامنامه

[تقوم وقایعه نشری تاریخی : ۲ محرم ۱۳۳۶ و ۱۹ تشرین اول ۱۳۳۳ - نوروزی : ۳۰۳۴]

برنجی باب

درسعادت تشکیلاتی

برنجی فصل

اداره تشکیلاتی

- ماده : ۱ دارالخلافه العلیه مدرسه سنک احتوا ایله یکی ابتداء خارج و ابتداء داخل و سخن درجه لرینک هر برنده و مدرسه سلیمانیه ده بر مدیر عمومی و مدرسه سلیمانیه شعبه لرینک هر بری ایله درجات ثلثه صنف لرینک هر برنده بر مدیر وارد .
- ماده : ۲ بر صنفک متعدد درسخانه سی اولدینی تقدیرده هر درسخانه ایچون بر مدیر معاونی بولتدیریلور .
- ماده : ۳ مدیر معاونلری مدرلره و مدیرلر مدیر عمومیلره و مدیر عمومیلر درس و کانتیه مربوطدرلر .
- ماده : ۴ مدیر عمومیلرک معتدله لزومی قدر داخلیه مأمورلری ایله کتبه و خدمه بولنور .
- ماده : ۵ مدیر عمومیلر درس و کانتیک انماسیله مقام مشیختجه انتخاب و اراده سنیه ایله تعیین اولنورلر .
- ماده : ۶ مدارسک معاملات اداریه سیله خصوصات تدریسیه سنیه تقش و نتایجی مقام مشیخته بیان ایتمک اوزره درت مفتش عمومی وارد . مفتش عمومیلر درساملردن مقام مشیختجه انتخاب و اراده سنیه تعیین اولنورلر .
- ماده : ۷ درس وکیلک تحت ریاستده اولوق اوزره درت مفتش عمومی ایله مدرسه سلیمانیه شعباتدن هر بری ایچون مدرسه مذکوره مجلس مدرسینی طرفدن

و درجات ثلثه مدرسی ایچون هیئت تدریسه لرینک هریری طرفندن و کندی مدرسری میانندن انتخاب ایدیهلک برر اعضادن متشکل بر مجلس مصالح طلبه وادور .

ماده : ۸ مجلس مصالح طلبه نك وظیفه سی درجات ثلثه مدرسنك اصلاح و ترقیسه خادم تدایره دار تکلیفانده بولنق و درجات ثلثه مدرسی مدرس لرینک نصب و عهده و بونلرک درس پروغرا ملونده اجرا قله جق تصدیلانده و درجات ثلثه مدرسی اداره لرینجه محتاج استشاره کوریلن مسائله و مقام مشیختدن تودیع ایدیهلک خصوصاته دائر بیان مطالعه ایتمکدر .

ماده : ۹ مجلس مصالح طلبه یه انتخاب ایدیهلک اعضانك مأموریت رسمیه سی اولماق شرطدر . مدت انتخابیه لری برسنه در . تکرار انتخابلری جائزدر .

ایکینجی فصل

مدرسین

ماده : ۱۰ درجات ثلثه مدرسنده مدرس اوله بیلیمک ایچون درس عام اولق ویا مکاتب عالیهدن مآذون ویاخود تدریس ایده جکی علمده متخصص بولنق شرطدر . مدرسه سلیمانیه مدرسلکی ایچون بوشرطه برابر کالات علمیسیله متمیز اولق دخی لازمدر .

ماده : ۱۱ مدرسه سلیمانیه بر مدرسلک انحلال ابتدکی زمان مجلس مدرسین طرفندن اوچ نامزد انتخاب اوله رق بوباید تنظیم ایدیهلک مضبده درس وکالته اعطا قنور . درس وکالتهجه بونلرون هانکیسنک شایان ترجیح اولدنی حقنده بیان مطالعه ایدیهلرک مضبده مقام مشیخته تودیع و مقام مشیختهجه نامزدلردن بری بالترجیح علی الاصول اراده سنیه استحصالیله مأموریتی اجرا ایدیلیر .

مدرسه سلیمانیه مدرس لرینک عزللری کذلک مجلس مدرسینک قراری اوزرینه اراده سنیه استحصالیله اجرا ایدیلیر .

ماده : ۱۲ درجات ثلثه مدرس لرینک نصب و عزللری مجلس مصالح طلبه نك قراری اوزرینه مقام مشیختهجه اجرا اولور .

اوچینجی فصل

مدرسه سلیمانیه مجلس مدرسینی

ماده : ۱۳ مدرسه سلیمانیه نك بالعموم مدرسلردن متشکل بر مجلس مدرسینی

وارد در . بومجلس لااقل آیده بردفعه اجتماع ایدر . اعضای ایچلرندن برسنه مدتله بر رئیس وبرکاتب انتخاب ایلرلر . بولرک تکرار انتخابلری جائزدر .

ماده : ۱۴ مدرسه سلیمانیه مجلس مدرسینی درس پروغراملرنده وکرسیلرده اجراسی لازم کلن اصلاحات وتعديلاته ومدرسه سلیمانیه کتبخانه سنک تنظیمله محتویاتنک تکثیرینه وطلبه نك کتبخانه دن اعظمی استفاده سنی تأمینه وکتب ورسائل علمیه تألیف ایدنلر ایچون تقدیر اوله جق مکافاته ومدرسه نك صلاح وترقیسی ایچون اتخاذای مقتضی تداییر ایله مدرسه سلیمانیه حقنده کی قوانین ونظامات لایحه لرنده ومقام مشیختدن ویل مدیریت عمومیه دن تودیع اولتان مسائله دائر بیان مطالعه ایدر .

ماده : ۱۵ مدرسه سلیمانیه مدرسلری متخصص اولدقلری شعبات علومه دائر کتب ورسائل تألیفته اهتمام ایده جکلردر .

ایکینجی باب

طشره مدرسی تشکیلاتی

ماده : ۱۶ تشکیلاتی اجرا ایدیلن طشره مدراسنک هر درجه سنده برر مدیر ودرسخانه لر تعدد ایندیکی حالده هردرسخانه ده برمدیر معاونی بولنور .

ماده : ۱۷ طشره ده درجات ثلثه مدرسی تشکیلاتنک نره لرده اجراسی لازم کله جکی مجلس مصالح طلبه جه وقوعبوله جق تدقیقات وتحقیقات اوزرینه مقام مشیخته تقدیر وتعیین اولنور .

ماده : ۱۸ درجات ثلثه مدرسی تشکیلاتی اجرا اولتان محللرده مفتی بلده نك ریاستی آلتنده مدرسه مدیریه محلی اوقاف مأمورندن عامه نك حرمت واعتمادینه مظهر مدرسین محلیه میاننده برر سنه مدتله مجلس اداره جه انتخاب ایدیله جک ایکی ذاندن مرکب برانجمن علمی تشکیل اوله جقدر .

ماده : ۱۹ انجمن علمینک وظیفه سی تشکیلاتی اجرا ایدیلن مدراسنک امور تدریسه واداریه سنی اصلاح وتنظیمه وهرسنه امتحانلرک ختامنی متعاقب تدریساتنک نتایجنه دائر مطالعاتی حاوی مضبطه تنظیم ایدرک مقام مشیخته کوندرمکدر .

اوچنجی باب

احضاری صنفلر

ماده : ۲۰ دارالخلافه العلیه مدرسه سنه وطشره ده درجات ثلثه تشکیلاتی اجراقلنان مدارس لژی اولان طلبه بی اعداد ایچون ایکی سنه ک احضاری صنفلر وارد ر . بو صنفلر استانبولده ابتداء خارج مدرسه سی مدیریت عمومیه سنه وطشره ده محلری مدرسه لری مدیریتلرینه مربوطدر .

دردنجی باب

شرائط دخول

ماده : ۲۱ دارالخلافه العلیه وطشره مدارسنک هر هانکی قسم و صنفه کیره بیلیمک ایچون امراض ساریه ایله معلول و جنایت و یا مخل ناموس جنحه ایله محکوم و سوء حال ایله مشهر بولنماق شرطدر .

ماده : ۲۲ ابتداء خارج برنجی صنفه سنلری اون اوچدن دون و اون سکزدن افزون اولماق اوزره مکاتب ابتدائیه مآذونلریله صنوف احضاریه مآذونلری قبول اولتورلر . مآذونلرک عددی کافی کلزسه مذکور حد سن داخلنده دیگر طالبلردن صنوف احضاریه ده تدریس اولتان درسلدن بالامتحان ابراز اهلیت ایدنلر آلتورلر .

ماده : ۲۳ ابتداء خارج مآذونلری ابتداء داخله و ابتداء داخل مآذونلری مدرسه صحنه آلتورلر مدرسه صحن مآذونلردن مدرسه سلیمانییه دخوله طالب اولانلر بالامتحان ابراز اهلیت ابتدکلری تقدیرده قبول اولتورلر .

ماده : ۲۴ خارجدن درجات ثلثه مدارسنک هر هانکی بر صنفه کیرمک مادونی صنف و درجه لرده کی درس لرک کافه سندن امتحان ویرمه متوقفدر .

ماده : ۲۵ درجات ثلثه مدارسنه هر سنه قبول ایدیلرک لیلی و نهاری طلبه نک عددی مقام مشیختجه تعیین و تحدید اولنور .

ماده : ۲۶ مدرسه سلیمانییه ایله درجات ثلثه مدارسنه نهاری طلبه و مدرسه سلیمانییه سامعین قبولی جائزدر .

بشنجی باب

تدریسات

ماده : ۲۷ مدرسه سلیمانیه کرسیلری بروجہ آتیدر :

تفسیر وحديث شعبه سی

عدد کرسی

۳ تفسیر شریف

۳ حدیث شریف

۱ اصول حدیث ونقد رجال

۱ طبقات قراء ومفسرین

فقه شعبه سی

عدد کرسی

۳ فقه حنفی

۱ فقه شافعی

۱ فقه مالکی

۱ فقه حنبلی

۳ اصول فقه

۱ خلاقیات

۱ تاریخ فقه

کلام وحکمت شعبه سی

عدد کرسی

۳ کلام

۱ تصوف

۱ فلسفه اسلامیہ تاریخی

۱ حکمت الهیہ

۱ منطق

۱ علم نفس و اخلاق

۱	فلسفہ عمومیہ تاریخی
۱	تاریخ ادیان و دین اسلام
	ادبیات شعبہ سی
	عدد کرسی
۳	ادبیات عربیہ
۱	ادبیات ترکیہ
۱	ادبیات فارسیہ
۱	ادبیات غربیہ

درجات ثلثہ مدارسى درسلى بروجہ آتیدر :

مدرسہ صحن

تفسیر شریف ، حدیث شریف ، اصول فقہ ، فقہ حنفی ، کلام ، بلاغت و ادبیات عربیہ ، ادبیات ترکیہ ، منطق ، فلسفہ ، علم اجتماع ، معلومات حقوقیہ ، آلمانجہ و فرانسیزجہ و انکلیزجہ و روسجہ (بولسانلردن برینک تحصیل مجبوریدر) .

ابتداء داخل

ترتیل قرآن کریم ، حدیث شریف ، فقہ ، کلام ، لسان عربی ، منطق ، انشا و ادبیات ترکیہ ، تاریخ اسلام و عثمانی و عمومی ، معلومات حقوقیہ ، علوم ریاضیہ (ہندسہ ، جبر ، ہیئت) طبیعیات (کیمیا ، حکمت طبیعیہ ، تاریخ طبیعی) ، حفظ الصحہ ، تربیۃ بدنہ ، آلمانجہ و فرانسیزجہ و انکلیزجہ و روسجہ (بولسانلردن برینک تحصیل مجبوریدر) .

ابتداء خارج

ترتیل قرآن کریم ، صرف عربی ، لغات و اشتقاق عربی ، نحو عربی ، علوم دینیہ ، ترکیہ ، فارسی ، تاریخ اسلام و عثمانی ، ریاضیات (حساب و ہندسہ) ، معلومات طبیعیہ و صحیہ ، جغرافیاء ، حسن خط ، معلومات مدنیہ و حقوقیہ ، تربیۃ بدنہ ، آلمانجہ و فرانسیزجہ و انکلیزجہ و روسجہ (بولسانلردن برینک تحصیل مجبوریدر) .

اجضاری صنفک درسلى بروجہ آتیدر :

قرآن کریم ، علوم دینی ، لغات عربیه ، لغات فارسیه ، ترکیه ، حساب ، حسن خط ، تاریخ عثمانی ، جغرافیا ، علم اشیا ، الهی ، تربیه بدنیه .

التنجی باب

اجازتنامه و اهلیتنامه و وثیقه لر

ماده : ۲۸ مدرسه سلیمانیه مآذونلرینه اجازتنامه و درجات ثلثه مدارسى مآذونلرینه اهلیتنامه و مدرسه سلیمانیه سامعین صفتیله دوام ایتمش اولانلره وثیقه و یریلور .

ماده : ۲۹ اجازتنامه لره مآذونینک مدرسه سلیمانیه ده تلقی علم ایتدکلى مدرسین ايله بونلرک بوجه تسلسل مدرسلرینک اسامیسی یازیلور . و بواجازتنامه لر درس و کالتنجه بعدالتدقیق مقام مشیختجه تصدیق اولنور .

ماده : ۳۰ اجازتنامه اخذی طالبک صوک صنف امتحاتی و یرمکه برابر منسوب اولدینی شعبه نك مدرسلری طرفندن تعیین ایدیله جک موضوع حقنده یته آنلر طرفندن بالتدقیق شایان قبول کوریله جک برساله تحریر ایتمسه متوققدر .

ماده : ۳۱ اهلیتنامه لره مآذونینک تلقی علم ایتدکلى مدرسلرک اسامیسی یازیلور . و بواهلیتنامه لردن درسعادت درجات ثلثه مدارسندن و یریله جک اولانلر درس و کالتنجه و طشره درجات ثلثه مدارسندن و یریله جک اولانلر اولا محللری انجمن علمیلرنجه وثائیا درس و کالتنجه بعدالتدقیق مقام مشیختدن تصدیق اولنور .

ماده : ۳۲ مدرسه سلیمانیه سامعین صفتیله دوام ایدنلره و یریله جک وثیقه یه یالکز کیفیت دواملری درج ایدیلیر .

یدنجی باب

فیوضات

ماده : ۳۳ مدرسه سلیمانیه مآذونلری درجه اختصاصلرینه کوره دارالخلافه العلیه مدرسه سی مدرسلرکریله مدیرلکرینه و مدیر معاونلکرینه و مقنیلکریه و صحن تشکیلاتی یاپیلان طشره مدارسى مدیر و مدرسلکرینه و مکاتب عمومیه علوم دینی و عربیه معلملکرینه و فتواخانه مسودلکرینه و کرسی شیخلکرینه و سفارت امامتلینه و آلاى امامتلینه و بونلره معادل مأموریتلره تعیین اولنورلر .

ماده : ۳۴ مدرسه سخن مآذونلری مشیخت و اوقاف اقلای مأموریتلرینه و مفتی مسودلکترینه و ابتداء خارج و ابتداء داخل تشکیلاتی یایلان طشره مدارسى مدیر و مدیر معاونلکترینه و معلملکترینه و تشکیلاتی یایلیمان محللرک مرکز مدرسلکترینه و طابور امامتترینه و بونلره معادل مأموریتلره تعیین اولنورلر .

ماده : ۳۵ ابتداء داخل مآذونلری حافظ کتبلکره و محلات جوامع شریفهسى امامت و خطابتترینه و ابتدائی و نمونه مکتبلری علوم دینه معلملکترینه و بونلره معادل مأموریتلره تعیین اولنورلر .

ماده : ۳۶ ابتداء خارج مآذونلری قرى جوامع شریفهسى امامت و خطابتلریله معلملکترینه و بونلره معادل مأموریتلره تعیین اولنورلر .

ماده موقته

ماده : ۳۷ درجات ثلثه مدارسى تشکیلاتی یایلیمان محللرده کی مدرسین و طلبه نك حقوقی کما کان محفوظدر . اشبو مدارسک تدویرامورى محلی مفتیسنک ریاستی آلتنده تعلیماتنامۀ مخصوصه توقیفاً متشکل انجمن علمیلره عائددر .

ماده : ۳۸ اشبو نظامنامه یوم نشرینک فرداسندن اعتبار آمرعی الاجرادر .

ماده : ۳۹ اشبو نظامنامه نك اجرا سنه شیخ الاسلام و اوقاف هایون و حریبه و خارجیہ

و معارف ناظرلری مأموردر .

اشبو نظامنامه نك موقع سرعته وضعی و نظامات دولته علاوه سنی اراده ایلدم .

۱۶ ذی الحجه ۱۳۳۵ : تشرین اول ۱۳۳۳

محمد رشاد

صدر اعظم و داخلیه ناظرى
محمد طلعت

شیخ الاسلام و اوقاف هایون ناظر وکیل
موسى کاظم

حریبه ناظرى و بحریه ناظرى وکیل
انور

خارجیه ناظرى
احمد نسیمی

عدلیه ناظرى و شورای دولت رئیس
خلیل

مالیه ناظرى
جاوید

معارف ناظرى
احمد شکری

نافه ناظرى
علی منیف

تجارت و زراعت ناظرى
مصطفی شرف

پسته و تلفراف و تلفون ناظرى
حسین هاشم